



Dan Općine Trnovo 31.07.2005.godine

I ove godine nizom manifestacija Općina Trnovo obilježit će svoj praznik - 31. juli, Dan Općine Trnovo. Povodom dana općine, održat će se svečana sjednica Općinskog vijeća 29. Jula 2005. godine u hotelu "Maršal" na Bjelašnici.

Strana 2.

Bjelašnica sportsko - rekreativni centar

Uz uvažavanje postojeće Provedbeno planske dokumentacije kao i zaštite okoliša, izrađen je Urbanističkog projekta «Bjelašnica I faza» koji je izrađen i usvojen. Urađena je infrastruktura u okviru obuhvata od 11,4 ha, Studija uticaja na okoliš te Elaborat o ekonomskoj opravdanosti izgradnje.



Strana 3.

Obnova biblioteke u Trnovu

U okviru realizacije projekta Razvoj zajednica planirana je obnova biblioteke u Trnovu sa sjedištem u Delijašu i Šabićima.

Vlada Federacije BiH je dobila kredit od Međunarodne asocijacije za razvoj (IDA), kojim će se finansirati projekat Razvoj zajednica.

Obzirom da je u proteklom ratu biblioteka radničkog Univerziteta u Trnovu potpuno uništena, stoga je od izuzetnog značaja obnova ove biblioteke kako za učenike, tako i za stanovnike Općina Trnovo FBiH i Trnovo RS.

Ujedno ovo je prvi kulturni sadržaj na području općina Trnovo FBiH i Trnovo RS rekao je Nusret Bajrović, pomoćnik načelnika za društvene djelatnosti.



Srednjoročni plan razvoja poljoprivrede na području Općine

Strana 9.

Program razvoja turizma za 2005.g

Strana 7.

Ljetni omladinski radno - edukativno - zabavni kamp

U Babinom dolu 18. jula 2005. godine održan je ljetni omladinski radno-edukativno- zabavni kamp, čiji je organizator fondacija « Wings of hope ».

Učesnici kampa, njih više od 250, došli su iz 30 gradova BiH, potom iz Njemačke, Holandije, Danske, Makedonije, te Srbije i Crne Gore.

Strana 13.

Lokalni ekološki akcioni plan

U cilju osiguranja napretka i održivog razvoja Općine Trnovo, unapređenja stanja okoliša i javnog zdravlja, te poboljšanja uvjeta života stanovnika općine, u decembru 2004. godine Općina Trnovo je donijela Odluku o izradi i provođenju Lokalnog ekološkog akcionog plana (LEAP-a).



Strana 6.



DAN OPĆINE TRNOVO

I ove godine nizom manifestacija Općina Trnovo obilježit će svoj praznik - 31. juli, Dan Općine Trnovo.

Povodom dana općine, održat će se svečana sjednica Općinskog vijeća 29. Jula 2005.godine u hotelu "Maršal" na Bjelašnici.

Prije svečane sjednice delegacija općine će položiti cvijeće na spomen obilježju poginulim sugrađanima, braniteljima BiH na Igmanu.



PROGRAM OBILJEŽAVANJA DANA OPĆINE TRNOVO 31. JULI 2005.GODINE

SPORTSKE AKTIVNOSTI:

- Turnir u šahu, sala Općine Trnovo 26.07.2005.g. u 11,00 sati;
- Takmičenje ribolovaca, jezero Bogatići, četvrtak 28.07.2005.g. U 16,00 sati;
- Turnir u malom nogometu na Dujmovićkim barama, subota 30.07.2005.g. u 09,00 sati;
- I međunarodni Mountain bike, Bjelašnica - Glavatičevo, petak 05.08.2005.g. U 09,00 sati;

KULTURNO - OBRAZOVNE AKTIVNOSTI:

- Prijem delegacija boračkih udruženja kod Općinskog načelnika 27.07.2005.g. U 12,30 sati u Sali Općine Trnovo;
- Džumma namaz i učenje jasina, Igmanska džamija, 29.07.2005.g u 13,00;
- Polaganje cvijeća, odavanje počasti šehidima i poginulim borcima na Igmanu (Veliko polje), 29.07.2005.g. u 14,00 sati;
- Početak radova, Pendičići - Bijeli put, 29.07.2005.g u 11,00 sati i završetak radova na putu Lijeska - Trebečaj, u 11,30 sati;

Petak 29.07.2005.g. U 14,30 sati Svečana sjednica Općinskog vijeća Trnovo , u hotelu "Maršal" Babin Do - Bjelašnica.

ORGANIZACIONI ODBOR

BJELAŠNICA SPORTSKO - REKREATIVNI CENTAR

Uz uvažavanje postojeće Provedbeno planske dokumentacije kao i zaštite okoline Općina Trnovo je pristupila izradi Urbanističkog projekta «Bjelašnica I faza» koji je izrađen i usvojen. Urađena je projektna dokumentacija za izgradnju infrastrukture u okviru obuhvata od 11,4 ha, Studija uticaja na okoliš tokom krčenja šume na lokalitetu Babin Do i Elaborat o ekonomskoj opravdanosti izgradnje.

Na osnovu Urbanističkog projekta "Bjelašnica" - I faza, izrađen je Plan parcelacije Urbanističkog projekta "Bjelašnica" - I faza i u skladu sa zakonom o građevinskom zemljištu Federacije Bosne i Hercegovine i Odlukama Općinskog vijeća proveden je postupak i izvršena dodjela neizgrađenog djelimično uređenog građevinskog zemljišta za 19 lokacija.

Na ovim lokacijama je počela izgradnja hotela, apartmana, apartman hotela, pansiona i objekata javnog sadržaja, tako da Bjelašnica u ovom trenutku predstavlja jedno veliko gradilište. Izgradnja infrastrukture za "Bjelašnica I faza" je u



završnoj fazi (saobraćajnice, vodovodna mreža, kanalizaciona mreža, PTT mreža, elektromreža, rasvjeta kao i sekundarna plinska mreža). U toku je izvođenje projekata snabdjevanja centra prirodnim gasom u saradnji tri općine i Kantona Sarajevo.



Uporedo sa realizacijom projekta "Bjelašnica I faza" Općinsko vijeće Trnovo donijelo je i Odluku o pristupanju izradi Urbanističkog projekta "Bjelašnica II faza" gdje obuhvat planiranja iznosi oko 11,6 ha.

Predviđeni su smještajni kapaciteti sa pratećim sadržajima (planirano 1000 ležaja) i sa ukupnom bruto građevinskom površinom smještajnih kapaciteta 30.200 m². Sredstva za izradu plana i pripremu obezbjedit će Općina Trnovo.

U okviru ovog projekta posebno je uraditi i Procjenu uticaja na okoliš tokom krčenja šume na lokalitetu Babin Do. Riješiti vodosnabdijevanje, sanirati i proširiti postojeći kanizacioni sistem, ograničiti se na korištenje ekoloških energenata za zagrijavanje, riješiti odvođenje površinskih voda sa saobraćajnih površina ugradnjom separatora kao i način uklanjanja čvrstog otpada.

Urbanistički projekat «Gornja Grkarica» za koje je donešena Odluka o pristupanju izradi, obuhvata oko 27,6 ha na kome je planirana gradnja ergele sa manježom, igrališta za mini golf sa restoranom, tereni za nogomet, rukomet, bočanje, tenis, dječija igrališta, biciklističke staze i staze za jahanje. I za ovaj projekat potrebno je uraditi Elaborat zaštite kulturno historijskog i prirodnog nasljeđa, Procjenu uticaja na okoliš za područje Gornje Grkarice uključujući i novoplanirane kapacitete kao i procjenu priključaka objekata na postojeću infrastrukturu sa posebnim osvrtom na zaštitu izvorišta vode za piće Sarajevskog polja.

Zbog postojanja glacijalnih sedimenata morenskog porijekla, na području Gornje Grkarice donešena je Odluka o pristupanju izrade izmjene Urbanističkog projekta «Gornja Grkarica».

Na 7. sjednici Općinskog vijeća Trnovo donešena je Odluka o izmjenama i dopunama Odluke o usvajanju Regulacionog plana dijela posebnog područja Bjelašnica kojom je predviđeno proširenje obuhvata Regulacionog plana sportsko rekreacionog područja Bjelašnice. Ukupna orijentaciona površina iznosi oko





900 ha, gdje je planirana izgradnja pet staza za alpsko skijanje, dva ski lifta i žičara za vertikalni transport, izgradnja polazne stanice sa parkingom, pratećim sadržajima i vikend naselja na Donjoj Grkarici. Kroz izradu prostornog plana Kantona Sarajevo navedeni obuhvat potrebno je definisati kao zonu građenja. Izraditi Strategiju uticaja na okoliš sa posebnim osvrtom na prirodnu i kulturnu baštinu.

Realizacijom navedenih Provedbeno planskih dokumenat na ovim prostorima izgradio bi se jedan od najmodernijih sportsko rekreacionih centara. Stvorili bi se uslovi za razvoj turističke privrede Općine Trnovo, Kantona Sarajevo pa i šire.

Da bi se realizovali zacrtani projekti razvoja ovih prostora usvojeni su i sljedeći dokumenti:

Strategija razvoja u periodu od 2003 2006
Program razvoja turizma na području općine
Srednjoročni plan razvoja poljoprivrede
Odluka o izradi Lokalnog ekološkog akcionog plana



Iz svega je vidljivo da Općina Trnovo svoj razvoj zasniva i usmjerava na Provedbeno planskoj dokumentaciji što je i u narednom periodu osnovni prioritet.

U okviru radionice Strateška procjena uticaja (SEA) u upravljanju zaštićenim područjima u BiH u organizaciji Regionalnog centra za okoliš koja je održana u hotelu «Maršal» - Bjelašnica 5. i 6. maja razmatran je i Okvir za reviziju Studije izvodljivosti «Igman Bjelašnica». Ova studija proučava izvodivost proglašenja novog nacionalnog parka za Bosnu i Hercegovinu.

Nacionalni park ima naučnu, kulturnu, odgojno obrazovnu i rekreativnu namjenu, a u njemu su dopuštene radnje i djelatnosti kojima se ne ugrožava izvornost prirode (dopuštena je samo tradicionalna poljoprivreda i turističko rekreativna djelatnost). Nacionalni parkovi mogu biti

nosioi kvalitetne turističke ponude nekog prostora ali nikako zona koncentracije smještajnih kapaciteta.

Park prirode je prostorno prirodno ili dijelom kultivirano područje sa ekološkim obilježjima međunarodne i nacionalne važnosti sa naglašenim krajolicima, kulturno historijskim, odgojno obrazovnim i turističko rekreacionim vrijednostima. U njemu su dopuštene gospodarske i druge djelatnosti i radnje koje mu ne ugrožavaju njegove bitne značajke i uloga tj. Uloga Parka prirode je zaštita prirodnog područja od pretjerane gospodarske djelatnosti ili pretjerane izgradnje.

Pošto na ovim prostorima postoje određeni oblici gospodarske djelatnosti kao i stambeno gospodarske izgradnje logično je da ovaj prostor treba posmatrati kao Park prirode jer se navedene aktivnosti i djelatnosti ne mogu isključiti ali se trebaju svesti u okvire u kojima neće uništiti glavni fenomen zbog kojeg se pristupa zaštiti.

Prostor Općine Trnovo je najvrijedniji razvojni resurs koji treba maksimalno zaštititi uz uvažavanje koncepta održivog razvoja.

OTKUP MLIJEKA

Na području Općine Trnovo završeno je instaliranje laktofrizera u mjesnim zajednicama Šabići, Dejčići, Trnovo i Delijaš. Obezbeđeno je napajanje električnom energijom te vozilo sa cisternom koje će svakodnevno odvoziti mlijeko.



KAPITALNI PROJEKTI U OPĆINI TRNOVO

Općina Trnovo je svoje aktivnosti usmjerila na pripremu i izradu provredbeno-planskih dokumenata, kao i realizaciju projekata u oblast infrastrukture:

SANACIJA ELEKTO MREŽE

- Rekonstrukcija postojećeg magistralnog 10 kW dalekovoda Ledići-Trebečaj, Trnovo-Rijeka-Grebak i dalekovoda za Tušila, Bobovicu i Umoljane;
- Izgradnja niskonaponske mreže MZ Dejčići, Trnovo i Šabići;

PTT MREŽA

- Izgradnja ptt mreže u Presjenici;
- Izgradnja GSM Predajnika na Šiljku, Jahorini i Babinom Dolu;

TV PREDAJNIK

- Izgradnja TV Repetitora Šiljak;
- Uspostava TV signala na Čelini;

PROJEKTI JAVNE RASVJETE**MZ Trnovo**

- Ilovice
- Gračanica
- Pendičići
- Trebečaj

**MZ Dejčići**

- Dejčići
- Dujmovići
- Ostojići

MZ Delijaš

- Hamzići
- Pomenovići
- Durakovići
- Jelačići
- Delijaš

LOKALNI PUTEVI

- Izgradnja zaobilaznice Babin do Donja Grkarica;
- Sanacija makadamskih puteva u svim Mjesnim zajednicama na području Općine Trnovo;
- Asfaltiranje seoskih puteva uz učešće građana;
- Asfaltiranje putnog pravca Pendičići- Bijeli put;
- Asfaltiranje putnog pravca Klisura Sinanovići;
- Asfaltiranje puta Krstac Bijeli put;
- Asfaltiranje puta Hamzići-Krsmanići
- Ljetno i zimsko održavanje putnih pravaca na kojima se odvija gradski saobraćaj
- Ljetni i zimsko održavanje putnih pravaca na kojima se odvija lokalni saobraćaj
- Izgradnja nadstrešnica na autobuskim stajalištima;

VODOVOD I KANALIZACIJA

- Rekonstrukcija vodenica u Umoljanima, izgradnja mosta u Šabićima i sanacija korita rijeke Rakitnice;
- Rješavanje problema vodosnabdjevanja Dujmovića;
- Izgradnja vodovoda u Boljanovićima, Krsmanovićima i rezervoara u Hamzićima;
- Izgradnja vodovoda Prečani-Umčani- Obla Brda;

ZAŠTITA OKOLIŠA

- Rekonstrukcija postrojenja za prečišćavanje otpadnih voda u Trnovu;
- Izgradnja niša za kontejnere u svim Mjesnim zajednicama na području Općine Trnovo;
- Uređenje korita rijeke Željeznice od izvorišta do Godinjskih Bara;

IZGRADNJA MOSTOVA**MZ ŠABIĆI**

- Pervizi;
- Zarije;

MZ TRNOVO

- Gračanica;
- Kisjelice;
- Trebečaj;
- Bašci;

**MZ DELIJAŠ**

- Sjeverovići;
- Pomenovići (dva mosta);

MZ DEJČIĆI

- Presjenica;

SPORTSKE PLOHE**MZ Delijaš**

- Hamzići
- Delijaš
- Govedovići
- Sjeverovići;

**MZ TRNOVO**

- Bašci
- Pendičići;
- Trnovo;
- Trebečaj

MZ Dejčići

- Dejčići;
- Ostojići;

MZ ŠABIĆI

- Lukavac
- Rakitnica
- Sinanovići
- Bobovica
- Umoljani;

**DEMINIRANJE TERENA**

- Deminiranje terena u okviru Bjelašnice;

VJERSKI OBJEKTI

Ulaganja u rekonstrukciju i izgradnju

- Trebečaj
- Gračanica
- Dejčići
- Kijevo
- Delijaš
- Trnovo
- Turovi
- Ostojići



IZRADA LOKALNOG EKOLOŠKOG AKCIONOG PLANA ZA OPĆINU TRNOVO



U cilju osiguranja napretka i održivog razvoja Općine Trnovo, unapređenja stanja okoliša i javnog zdravlja, te poboljšanja uvjeta života stanovnika općine, u decembru 2004. godine Općina Trnovo je donijela Odluku o izradi i provođenju Lokalnog ekološkog akcionog plana (LEAP-a).

Saradnik Općine Trnovo u izradi i implementaciji LEAP-a je Regionalni centar za okoliš za Srednju i Istočnu Evropu - ured za Bosnu i Hercegovinu. Rok za izradu LEAP-a je 12 mjeseci (decembar 2004. decembar 2005. godine). Formirana su i radna tijela: Građanski odbor, Savjetodavni odbor i Radna grupa.

Promotivni sastanak sa članovima pomenutih radnih tijela, održan je 13. januara 2005. godine u Općini Trnovo. Na sastanku je predstavljen projekat i metodologija izrade LEAP-a.

Prva radionica na temu izrada LEAP-a održana je 10. februara 2005. godine. Osnovni cilj radionice bio je upoznavanje učesnika sa metodologijom izrade LEAP-a, kroz rad na praktičnim primjerima.

Druga radionica na temu «Izrada okolišnih problema za Općinu Trnovo» održana je 25. aprila 2005. godine. Cilj radionice LEAP-a je razmatranje i usaglašavanje liste okolišnih problema.

Treća radionica u sklopu izrade LEAP-a za Općinu Trnovo održana je 08. juna 2005. godine. Cilj radionice je predstavljanje preliminarne liste prioriternih problema za pojedine tematske oblasti pripremljene od strane radne grupe, te razmatranje i usaglašavanje iste.



2. REGIONALNI SASTANAK LEAPi ZA PLANETU ZEMLJU

Regionalni centar za okoliš za Srednju i Istočnu Evropu (REC) Ured za Bosnu i Hercegovinu, u saradnji sa Općinom Trnovo i pod pokroviteljstvom Švedske međunarodne agencije za razvoj i saradnju (Sida), organizirao je međunarodni skup pod nazivom « Drugi regionalni sastanak LEAP-i za planetu Zemlju », koji je organizovan u okviru projekta izrade Lokalnih ekoloških akcionih planova u BiH.

Međunarodni skup je održan 22-23 aprila 2005. godine, u hotelu « Maršal » na Bjelašnici.

Glavni cilj regionalnog sastanka je razmjena informacija o akcionim planovima sa akcentom na prostorno planiranje, uticaj na zdravlje i uključivanje medija u procese praćenja i izvještavanja ove problematike.

Učesnici sastanka bili su predstavnici općina i nevladinih organizacija, kao i direktori REC-a iz Albanije, Bosne i Hercegovine, Hrvatske, Kosova, Mađarske, Makedonije, Srbije i Crne Gore, Slovenije i Turske.

Na sastanku su prisustvovali domaći zvaničnici: gosp. Miralem Ramić, načelnik Općine Trnovo,

gosp. Ramiz Mehmedagić, ministar Federalnog ministarstva prostornog uređenja i okoliša, gosp. Denis Zvizdić, premijer Kantona Sarajevo, gosp. Zlatko Petrović, ministar prostornog uređenja i zaštite okoliša Kantona Sarajevo, gosp. Zdravko Begović, zamjenik ministra prostornog uređenja, građevinarstva i ekologije Republike Srpske i drugi zvaničnici.

Pored navedenih skupu su se obratili: gđa. Marta Szigeti Bonifert, generalni direktor REC-a za Srednju i Istočnu Evropu, gosp.Bo Elding i gđa. Magdalena Svensson, Švedska međunarodna agencija za razvoj i saradnju (Sida) u BiH, gosp. Kjartan Bjornsson, šef operativnog sektora II Evropske komisije u BiH i drugi gosti.

“ Općina Trnovo je, prvenstveno zbog Igmana i Bjelašnice, postala vrlo interesantna za domaće i strane investitore, što pruža velike mogućnosti





za razvoj ovog područja. Ali isto tako, treba imati na umu da su tu prirodni resursi, odnosno ekosistemi koje treba zaštititi. Iz tog razloga se počelo sa izradom LEAP-a, s ciljem

razvoja i realizacije razvojnih planova, a u smislu održivog razvoja. U LEAP-u održivi razvoj podrazumijeva zaštitu ekosistema i pojedinačnih vrsta. Općina raspolaže vrlo značajnim prirodnim resursima, što se prije svega odnosi na vodne resurse Željeznica, Crna rijeka, Bijela rijeka, Rakitnica, te tri planinska glacijalna jezera. Trećina općinske teritorije se nalazi pod šumskom vegetacijom. Teritorija Općine Trnovo predstavlja idealno stanište za različite vrste autohtone divljači. Obzirom da na području Općine nema industrijskih postrojenja, te da je upotreba pesticida na vrlo niskom nivou, Općina bi mogla postati eko-općina.

Vezano za projekciju razvoja Bjelašnice, može se reći da se radi o jednom centru koji daje niz turističkih ponuda” - istakao je gosp. Miralem Ramić, općinski načelnik.

U okviru sastanka organizirana je eko-izložba 19 općina iz zemalja koje su uključene u izradu LEAP-a.

Eko izložbu otvorila je gđa. Meliha Alić, predsjedavajuća Skupštine Kantona Sarajevo.



Pored razmjene informacija zemalja učesnica, povod organiziranja međunarodnog skupa je i obilježavanje Dana planete Zemlje 22. Aprila, čija ovogodišnja kampanja nosi naziv: « Zaštitimo našu djecu i našu budućnost ».

PROGRAM RAZVOJA TURIZMA NA PODRUČJU OPĆINE TRNOVO ZA 2005. GODINU

Vijećnici Općinskog vijeća Trnovo na 6. sjednici usvojili su program razvoja turizma na području Općine Trnovo za 2005. Godinu.

Program predviđa:

- izrada agri turističkog vodiča za automobile koji bi ukazao izletnicima na mogućnost posjete i nabavke namirnica od malog poslovnog sektora po uzoru na lijepe primjere iz svijeta koji bi obuhvatao područje cijele općine;
- postavljanje eko prodavnice za plasman proizvoda zadruge Općine Trnovo;
- postavljanje nekoliko hodačkih itinirera za rekreativce postavljenih po jedinstvenoj metodologiji na način koji će eliminirati potencijalne opasnosti od zaostalih mina;
- postavljanje itinirera za orijentaciono hodanje ili trčanje po selima Općine;
- postavljanje trim staze;
- postavljanje staze za bicikl;
- festival sela;
- izrada lovnog i ribolovnog vodiča Općine;
- održavanje najmanje jedne međunarodne planinske biciklističke manifestacije u 2005. Godini;





Područje općine Trnovo sa stanovišta razvoja turizma, zaštite okoliša i uspostavljanja održivog razvoja u svim područjima ljudske djelatnosti od izuzetnog je značaja s obzirom na činjenicu da se nalazi u neposrednoj blizini Sarajeva, državnog i administrativnog centra Bosne i Hercegovine kao i zbog postojanja pogodnih orografskih, hidrografskih, edafskih i ostalih prirodnih uslova.

Posebno je značajno područje općine Trnovo i zbog toga što se ono nalazi na granici uticaja mediteranske i kontinentalne klime ali i na vododjelnici jadranskog i crnomorskog sliva. Klimatska osobenost područja je sukobljavanje različitih vazdušnih masa sa juga i sjevera što prouzrokuje česte promjene vremena, a u zimskom periodu velike snježne padavine. Zbog takvih osobina na Bjelašnici je još 1894 godine izgrađena visinska meteorološka opservatorija, prva na Balkanu, a druga u Evropi.

Vodeno bogatstvo ovih planina je najveći resurs i uporište jednog od najvećih projekata Kantona Sarajevo, a to je dugoročno rješenje snabdijevanja grada pitkom vodom. Napokon općina raspolaže sa sa značajnim poljoprivrednim resursima i šumskim sastojinama.

USVOJEN NOVI PRAVILNIK O UNUTRAŠNJOJ ORGANIZACIJI

Općinsko vijeće Trnovo na 4. sjednici održanoj 08.02.2005.godine, donijelo je Odluku o obrazovanju i djelokrugu jedinstvenog općinskog organa uprave I službi za upravu općine Trnovo.

Ovom Odlukom u skladu sa zakonom i Statutom Općine Trnovo, osniva se Jedinstveni općinski organ uprave i službe za upravu Općine Trnovo, utvrđuje djelokrug i rukovođenje tim organom i službama za upravu i uređuje druga pitanja od značaja za rad Jedinstvenog organa uprave i službi za upravu u Općini Trnovo.

Poslove i zadatke lokalne samouprave iz izvorne nadležnosti Općine, kao i upravne poslove koji se federalnim i kantonalnim zakonom stave u nadležnost Općine, vrši Jedinstveni organ uprave, putem sljedećih službi za upravu i to:

- Služba za upravu za privredu, finansije, društvene djelatnosti, opću upravu, boračku, dječiju i socijalnu zaštitu,
- Služba za upravu za oblast prostornog uređenja, urbanizma, komunalnih poslova, obnove, razvoja i zaštite čovjekove okoline,
- Služba za upravu za geodetske, imovinsko-pravne poslove, katastar nekretnina i inspekcijskog nadzora u oblasti urbanizma i građenja,
- Služba za civilnu zaštitu i
- Služba za upravu za stručne i zajedničke poslove.

PREISPITIVANJE USTROJA POLICIJSKIH SNAGA

Predsjedavajući Općinskih vijeća Trnovo Selim Hamzić, Općinskog vijeća Hadžići Nijaz Musić i Općinskog vijeća Ilidža Pero Šimunović na sastanku održanom 05.aprila 2005.godine razgovarali su o ustroju policijskih snaga za region Sarajevo.

Prisutni su podržali principe za konstituisanje Policijskih snaga Bosne i Hercegovine i smatraju da su korektni i zadovoljavaju funkcionalnost, racionalizaciju i evropske standarde.

Predsjedavajući Općinskog vijeća zahtjevat će od nadležnih institucija i organa koji odlučuju o ustroju policijskih snaga da razmotre ustroj regije Sarajevo, kao posebnog administrativnog, kulturnog, komunikacijskog i ekonomskog centra u čiji sastav bi ušle policijske stanice općine Trnovo, Ilidža, Hadžići, Vogošća, Ilijaš, Stari Grad, Centar, Novo Sarajevo, Novi Grad i Pale.

SREDNJOROČNI PLAN RAZVOJA POLJOPRIVREDE NA PODRUČJU OPĆINE TRNOVO

Na 6. sjednici Općinskog vijeća usvojen je Srednjoročni plan razvoja poljoprivrede na području Općine Trnovo.

Odluku da se pristupi izradi jednog dokumenta kojim bi se, prije svega, pokrenuo razvoj zasnovan na revitalizaciji agrarne privrede na jedan planski rok, upravo je strateška odluka Općine Trnovo i dobra procjena onih kojih su ovakvu odluku donijeli.

Revitalizirati agrar nije samo osnovni cilj ovoga dokumenta. Druge komplementarne privredne djelatnosti, posebno turizam u svim segmentima, prometna djelatnost i uopće privredni razvoj Općine Trnovo ovisan je u najvećoj mjeri od agrarnog ambijenta. Ovo je zapravo i jedini način kojim će se stanovništvo općine involvirati u profitabilnoj poljoprivrednoj proizvodnji sinhronizovanoj sa drugim privrednim djelatnostima.



U definisanju i identifikiranju predloženih pravaca i modela proizvodnje u velikoj mjeri pored specijalista Poljoprivrednog instituta i Savjetodavne stručne službe Kantona Sarajevo, dragocjene upute dobivene su od strane rukovodstva i stručnog kadra Općine Trnovo.

Krajnji cilj strategije je:

Uspostavljanje robne poljoprivredne proizvodnje na temelju predloženih proizvodnji i implementacija predloženih projekata;

Osposobljavanje poljoprivrednog proizvođača i njegovo transformisanje za efikasnu i konkurentnu proizvodnju u okviru agro-ekoloških i prirodnih mogućnosti Općine Trnovo.

Korektna i dosljedna realizacija naznačenih ciljeva zahtjeva da se postignu i njihovi slijedeći zadaci:

Očuvanje okoliša, zaštita ukupnog područja općine kao ekološke zone u tom kontekstu i organske proizvodnje hrane;

Stvaranje ambijenta za postojanje i djelovanje osnovne dvije poljoprivredne poluge: Poljoprivredne zadruge i Udruženja proizvođača Općine Trnovo;

Racionalno korištenje stimulativnih finansijskih sredstava kroz njihovo usmjeravanje samo u predloženom modelu robne proizvodnje (posticaji na nivou Kantona Sarajevo i FBiH podstiču uz ukupnu proizvodnju do usvajanja Zakona o poljoprivredi

kada će se podsticati samo robna proizvodnja);

Aktiviranje procesa zapošljavanja, ne samo u oblasti robne poljoprivredne proizvodnje, već i njenih komplementarnih oblasti (turizam, ugostiteljstvo, itd.);

Racionalno profiliranje domaćeg (općinskog) bilansa hrane kroz rast njegove vrijednosti u organskom smislu i uspostavljanje tržišta za vlastite proizvode.

Bilans zemljišta

Osnovne prednosti proizvodnog prostora općine su velike proizvodne površine, apsolutno čisto i nezagađeno zemljište, kvalitetna infrastruktura. Nedostaci proizvodnog područja odnose se uglavnom na usitnjenost poljoprivrednog prostora, dok se na ostale interne slabosti



(nedostatak tradicije za tržišnom proizvodnjom, nepovoljna starosna struktura itd.) može pozitivno utjecati, prije svega implementacijom ove strategije.

Stočarska proizvodnja

Stočni fond samo je djelimično obnovljen (520 krava, 8.115 ovaca, 116 koza, 520 košnica pčela). Nažalost, u obnovi stočnog fonda nisu poštovani principi adekvatnog odgovarajućeg pasminskog sastava niti opće i pasminske rejonizacije stočnog fonda.

Navedena trenutna pozicija u oblasti stočarstva predstavlja zapreku u bržoj implementaciji mjera koje će se predložiti za revitalizaciju stočnog fonda, ukoliko se ne preduzmu mjere logističke i finansijske podrške, te kontrole instrumenata za provedbu tih mjera.

Skoro 50% stočnog fonda koncentrisan je u Šabićima (krava 254, ovaca 5.757, košnica pčela 310). U ukupnoj starosnoj poziciji zabrinjava broj grla po domaćinstvu (do 2 krave 80%, 4-5 krava 5% domaćinstva), dok ohrabruje broj domaćinstava koji posjeduju preko 70 ovaca.

Ostali aspekti

Mehanizacija i objekti predstavljaju jedan od osnovnih uslova za uspostavljanje robne proizvodnje.

Na ukupnom prostoru Općine Trnovo evidentirano je 45 pogonskih mašina i jedan opremljen mašinski prsten.

Savremenih objekata je vrlo malo (ukupno 4) i predstavljaju u ovom momentu sa malim stočnim fondom i mehanizacijom ograničavajući faktor brze revitalizacije agrara.



Predložena projekcija proizvodnje poljoprivrednih proizvoda u svježem i prerađenom obliku ima dugoročno mjesto, prije svega na lokalnom tržištu. Prema našim prognozama do 2010. godine poljoprivredna proizvodnja budućih robnih proizvođača Općine Trnovo usmjerit će se na:

- 70% proizvodnja poljoprivrednih sirovina za prehrambenu industriju Kantona Sarajevo,
- 10% proizvodnja za tržište BiH,
- 5% proizvodnja za izvoz (ljekovito bilje, maline i med),
- 15% proizvodnja za lokalno tržište.

Plasman dijela poljoprivredne proizvodnje (prije svega robne proizvodnje) organizirat će se u direktnim ugovornim odnosima farmera sa prehrambenom i prerađivačkom industrijom, kao i pojedinačno snadbijevanje sirovinama, repromaterijalima, opremom i drugim uslugama, a u bliskoj budućnosti organizirati putem Zemljoradničke zadruge.



PRIHVACENA ODLUKA O PRISTUPANJU SAVEZU OPĆINA I GRADOVA FEDERACIJE BOSNE I HERCEGOVINE



Na 7. sjednici Općinskog vijeća Trnovo donesena je Odluka o pristupanju Savezu općina i gradova Federacije Bosne i Hercegovine, radi ostvarivanja saradnje sa drugim općinama u Federaciji BiH, zaštite i unapređenja zajedničkih interesa i razvoja lokalne samouprave.

Prihvatanjem Sporazuma Općina Trnovo se udružuje u Savez općina i gradova Federacije BiH, te prihvata sva prava i obaveze Saveza utvrđene Statutom i drugim aktima Saveza.

Zadaci i obaveze Saveza su:

Ostvarivanje i poticanje razmjene iskustva članova međusobna saradnja sa organima i organizacijama u razvoju lokalne samouprave;

Unapređenje međuopćinske i međugradske saradnje i razvijanje zajedništva u rješavanju određenih pitanja od zajedničkog interesa za članove Saveza;

Pružiti stručnu pomoć članova Saveza u vršenju njihovih poslova i zadataka;

Vrši pravovremeno konsultovanje i učestvuje u kocipiranju unutrašnje politike zemlje i u pripremi zakona koji se odnose na njihove nadležnosti;

Organizuje rasprave o aktuelnim političkim, ekonomskim, komunalnim i drugim pitanjima od značajnog interesa za lokalno stanovništvo;

Prikuplja, objedinjuje inicijative i prijedloge članova Saveza, saraduje sa naučnim, stručnim i drugim organizacijama u pogledu jačanja stručnosti u radu lokalne vlasti;

Vrši i druge poslove od zajedničkog interesa za općine i gradove u F BiH

OPĆINSKA IZBORNA KOMISIJA

Općinsko vijeće Trnovo je na sjednici 25. maja 2005. godine donijelo odluku kojom je ustanovljena Općinska izborna komisija, u čijem sastavu su: predsjednik Esad Velić, te članovi Hadis Krupalija i Muamer Hodžić.

OBILJEŽEN DAN 1. BOŠNJAČKE BRIGADE

Članovi kordinacionog odbora za obilježavanje važnih historijskih događaja Općine Trnovo, 22. marta, u povodu obilježavanja dvanaestogodišnjice formiranja 1. Bošnjačke brigade, položili su cvijeće na 5 mezarja u Općine Trnovo.



Na mezarju Igman cvijeće je položio načelnik Općine Trnovo Miralem Ramić, te delegacije porodica šehida i 1. Bošnjačke brigade.

« Ovo je trenutak da se sjetimo svih onih koji su bili pripadnici 1. Bošnjačke brigade. Oni su svojim patriotizmom odbranili dostojanstvo i čast našeg naroda. Otvaranjem koridora prema Goraždu 1992-1993. godine omogućena je evakuacija stanovništva iz istočne Bosne na slobodne prostore. Oslobodili smo Trnovo bez zločina nad nebošnjačkim narodima. U izvršavanju svojih časnih zadataka dali su svoje živote », rekao je ovom prilikom ratni komadant 1. Bošnjačke brigade Selim Hamzić.

Cvijeće je položeno na mezarju prvom predsjedniku rahmetli Aliji Izetbegoviću, zatim na mezarjima u Kijevu, Delijašu, Dejčićima, Trnovu i Šabićima.

Priređen je prijem kod načelnika za delegacije Boračkih udruženja, zatim proučen tevhid u džamijama u Delijašu, Kijevu, Dejčićima, Pervizima i Trebečaju.

UREĐENJE ŠEHIDSKIH MEZARJA U 2005.

Fond Kantona Sarajevo za zaštitu i uređenje grobalja šehida u sklopu svojih aktivnosti a na prijedlog općinskog organa za 2005.godinu pripremio je plana izgradnje i uređenja šehidskih mezarja.

U skladu sa finansijskim mogućnostima Fond je u 2005.godini pripremio projekat za postavljanje kapija i ograda na groblju Sinanovići i Trebečaj.



IZDVOJENA SREDSTVA ZA DEMINIRANJE

Područje Općine Trnovo je najzagađenije minama i drugim neeksplozivnim ubojnim sredstvima. Od ukupne površine ili 18,7% je proglašeno rizičnom površinom ili oko 60 km² rizične površine.

Zavisno od ugroženosti stanovništva i implementacije određenih programa i projekata ove površine su podjeljene u kategorije prioritete za deminiranje. Prvoj kategoriji pripada 4694150 m² ili 7,71 %, II kategoriji 19523700 m² ili 32,10 % i III kategoriji 36610800 m² ili 60,19 % i površine bez utvrđenog rizika 276171350 m² ili 81,95 %.

U saradnji sa BH MAC-om u ovoj godini izvršeno je izviđanje terena i obrađeno 1981255 m² te pripremljeno projektima za deminiranje i tehničko izviđanje 1606743 m² i proglašeno površinom bez utvrđenog rizika 384512 m².



Zbog nedostatka sredstava i nezainteresovanosti za humanitarno deminiranje provedene su intenzivno druge protuminske akcije te u proteklom periodu nije registrirano minskih incidenata.

U ovoj godini prvi put se ozbiljno prišlo rješavanju problema deminiranja i značajnog izdvajanja finansijskih sredstava Općine Trnovo za deminiranje u iznosu od 200.000,00 KM. Izvršene su sve pripreme za potpisivanje Sporazuma o udruživanju sredstava između Općine Trnovo i humanitarne organizacije za deminiranje "Intersos" sa sjedištem u Sarajevu na period od tri godine.

Općina Trnovo udružuje 200.000,00 KM, a Italijanska humanitarna organizacija "Intersos" sa sjedištem u Sarajevu obavezuje se da izvrši deminiranje i tehničko izviđanje u obuhvatu sportsko-rekreativnom području Bjelašnica u narednom periodu i stvori bezbjedne uslove u tom području i njegovom okruženju od mina i drugih ubojnih sredstava.

IZVRŠENA REVIZIJA KORISNIKA PRAVA IZ OBLASTI BORAČKO-INVALIDSKE ZAŠTITE

Stupanjem na snagu novog zakona o pravima boraca i članovima njihovih porodica proizašla je obaveza da se izvrši revizija svih dosadašnjih rješenja korisnika prava iz oblasti boračko invalidske zaštite u FBiH i određivanja novih iznosa mjesečnih primanja za ličnu i porodičnu invalidninu.

Odmah po usvajanju zakona Federalni ministar odbrane i Federalni ministar za pitanje boraca i invalida odbrambeno oslobodilačkog rata donijeli su instrukciju za provođenje i primjenu zakona o pravima branilaca i članova njihovih porodica kao i obavezu postupanja općinskih organa nadležnih za boračko invalidsku zaštitu.

Shvativši svu ozbiljnost ovog posla općinski organ nadležan za boračko invalidsku zaštitu je izvršio potrebne pripreme za aktivnosti i po službenoj dužnosti proveo postupak za sve korisnike po odredbama novog zakona za sva lica koja su u periodu od 1992.godine imali status pripadnika oružanih snaga prema zakonu i pod uslovom da su u tom periodu ranjeni, poginuli, nestali, teško oboljeli ili na neki drugi način nastradali smatraju se licima kojima pripada pravo iz Zakona o pravima branilaca i članova njihovih porodica i za iste trebalo je provesti reviziju o ostvarenim pravima.

Općinski organ za boračko invalidsku zaštitu je dobrom organizacijom i pripremom, a u cilju poštivanja zakonskih propisa i radi izbjegavanja nepotrebno duge procedure ispoštovao sve zakonske rokove i donio rješenja o pravima branilaca i njihovih porodica u prvostepenom postupku. Služba za boračko invalidsku zaštitu Općine Trnovo je jedna od prvih koja je u zadatom roku obavila ovaj posao.

O izvršenoj reviziji bitno je naglasiti da svi oni koji su po ranijim propisima ostvarili pravo na ličnu i porodičnu invalidninu i po izvršenoj reviziji ostvarili su pravo i to na prvostepenoj ljekarskoj komisiji četiri ratna invalida ostvarili su veći procenat i jedan manji procenat vojnog invaliditeta.

Jedan broj korisnika uputio je žalbu prema Federalnom ministarstvu za pitanja boraca i invalida odbrambeno oslobodilačkog rata koji su upućeni na drugostepenu ljekarsku komisiju, i od uloženi žalbi dvojici RVI-ja je povećan procenat, jednom smanjen a ostalim potvrđen. Po pravosnažnosti dostavljenih rješenja ista su dostavljena Kantonalnom ministarstvu za boračka pitanja i nakon izvršene revizije utvrđeno je da su sva rješenja pravilno i na zakonu osnovano donesena i na ista data saglasnost.

USVOJENA ODLUKA O IZMJENAMA I DOPUNAMA BUDŽETA OPĆINE TRNOVO



Općinsko vijeće Trnovo je na sjednici 21. Jula 2005.godine prihvatilo prijedlog Odluke o izmjenama i dopunama Budžeta Općine Trnovo za 2005.godinu, Odluke o korištenju sredstava Budžeta Općine Trnovo za nabavku stalnih sredstava i Odluke o korištenju stalnih sredstava za ulaganja u rekonstrukciju i izgradnju vjerskih objekata i za grantove udruženjima boračkih organizacija.

Usvojen je prijedlog Odluke o dodjeli općinskih priznanja. Kolektivna plaketa Općina Trnovo dodjeljuje se hotelu "Maršal" Bjelašnica, g. Ismetu Imamoviću i g. Zejnilu Lučkinu dodjeljene su pojedinačne plakete Općine Trnovo.

Vijećnici su na 9. sjednici usvojili Statut Općine Trnovo i Poslovnik o radu Općinskog vijeća Trnovo. Usvojena su također i

Rješenja o dodjeli neizgrađenog gradskog građevinskog zemljišta za izgradnju stambeno poslovnog objekta na lokalitetu Kisjelica, Općina Trnovo.

PARK DJECE SREBRENICE

Na 9 sjednici Općinskog vijeća Trnovo donijeta je Odluka o izgradnji parka Djeca Srebrenice. Općinski načelnik Miralem Ramić otvorit će park "Djeca Srebrenice" na Bjelašnici u povodu Dana Općine Trnovo 31. Jula 2005.g, i tom prilikom uplatit će novčani iznos Fondaciji za stipendiranje djece Srebrenice.





ODRŽAN LJETNI KAMP NA BJELAŠNICI

U Babinom dolu 18. jula 2005. godine održan je ljetni omladinski radno-edukativno-zabavni kamp, čiji je organizator fondacija « Wings of hope ».

Učesnici kampa, njih više od 250, došli su iz 30 gradova BiH, potom iz Njemačke, Holandije, Danske, Makedonije, te Srbije i Crne Gore.

Cilj kampa, koji se organizira već četiri godine, jeste okupljanje mladih iz cijelog regiona i omogućavanje da na interaktivan način kreiraju zajednička pozitivna životna iskustva.

Mladi iz različitih dijelova BiH posjetili su trnovsko izletišta Kazani i tom prilikom organizovali čišćenje rijeke Lukavac, te posjetili kanjon rijeke Rakitnice.

U sklopu kampa organizirani su okrugli stolovi i brojne interaktivne radionice koje imaju za cilj izgraditi humaniji sistem vrijednosti, doprinijeti procesu pomirenja i pomoći stvaranju što perspektivnije klime u cijelom regionu



GOSTI IZ PLAVA

Predstavnici Opštine Plav posjetili su Općinu Trnovo 29. Maja 2005.g. Općina Trnovo i Opština Plav zaključile su 12. Septembra 1981.g Svečanu povelju o trajnoj međunarodnoj saradnji i prijateljstvu. U razgovoru gostiju iz Plava sa Općinskim načelnikom i Predjedavajućim Općinskog vijeća dogovorena je daljnja saradnja između ove dvije općine.

DAN ŠKOLE

Učenci i nastavnici OŠ « Zaim Kolar » Trnovo svečano su obilježili Dan škole koji je proslavljen 27.aprila 2005. Godine.

U prepunoj sali OŠ « Zaim Kolar » Delijaš izveden je svečani program. Mnogobrojne posjetitelje, ugledne javne ličnosti, roditelje i učenike pozdravio je direktor škole gosp. Ibro Berilo. Prisjetili smo se heroja Zaima Kolara po kojem škola nosi ime i na dane 1996.godine kada je škola počela sa radom.

Monodramom « Bosna » prisutne je pozdravio gosp. Josip Pejaković.

Bogati kulturno umjetnički program su uz pomoć svojih nastavnika pripremili i izveli učenici svih uzrasta. Nastupio je školski hor, folklor, dramska i recitatorska sekcija.



Na kraju su proglašeni najbolji učenici i nastavnici OŠ « Zaim Kolar » Trnovo.

UPIS UČENIKA

U toku školske 2005/2006 godine na području Općine Trnovo, u aprilskom upisnom roku u Javnu ustanovu Osnovna škola « Zaim Kolar » Dejčići za školsko područje Općine Trnovo u prvi razred osnovne škole upisano je 5 učenika.

TAKMIČENJE « KNJIGA JE MOJ NAJBOLJI PRIJATELJ »

U prostorijama škole u prirodi u Šabićima održano je takmičenje « Knjiga je moj najbolji prijatelj » za školsku 2004/ 2005 godinu. Učestvovali su učenici iz četiri osnovne škole s područja općina Hadžići i Trnovo.

Medina Ploskić, učenica OŠ « Zaim Kolar » iz Dejčića, u kategoriji prvih razreda osvojila je prvo mjesto. Drugo mjesto pripalo je Naidi Karić iz OŠ «9. maj» iz Pazarića, dok su treće mjesto podijelile Amila Divović iz OŠ «Hilmi ef. Šarić» iz Tarčina i Amina Jusović, učenica OŠ «6. mart» iz Hadžića.

Među učenicima drugih razreda prvo mjesto pripalo je Nađi Alispahić iz OŠ «9. maj» iz Pazarića, druga je Anesa Šehić iz OŠ «6. mart» iz Hadžića, a Armini Kreško iz OŠ «Hilmi ef. Šarić» iz Tarčina pripalo je treće mjesto.

Lejla Musto, učenica OŠ «6. mart» iz Hadžića, prva je u kategoriji trećih razreda. Drugo mjesto je pripalo Adeli Lihovac iz OŠ «9. MAJ» iz Pazarića. Treće mjesto dijele Neira Đozo iz OŠ «Hilmi ef. Šarić» iz Tarčina i Amina Kadić iz OŠ «Zaim Kolar» iz Dejčića.

Amina Kuzić iz OŠ «Hilmi ef. Šarić» iz Tarčina bila je najbolja u kategoriji četvrtih razreda. Učenik Mirsad Terzo iz OŠ «Zaim Kolar» iz Dejčića dijeli drugo mjesto sa Alemom Kadić iz OŠ «9.maj» iz Pazarića. Treća je Alma Šabanija iz OŠ «6. mart» iz Hadžića.

REVIJA KULTURNO UMJETNIČKOG STVARALAŠTVA

Za učenike osnovnih škola « Zaim Kolar » Trnovo, « Hilmi ef. Šarić » Tarčin, « 6. mart » Hadžići i «9. maj » Pazarić Općina Trnovo je ove godine organizirala Reviju Kulturno-umjetničkog stvaralaštva.

Učenici su se takmičili u oblastima: horovi i grupe bez muzičke pratnje (a capella), dramski prikaz igrokaz, monodrama, folklor, recital, moderni ples i instrumentalni ples.

Takmičenje je održano u prostorijama Centra za kulturu Trnovo.

U kategoriji horovi i grupe bez pratnje (a capella) prvo mjesto osvojila je OŠ «9.maj» Pazarić, drugo je pripalo OŠ « Hilmi ef. Šarić », a treće OŠ « Zaim Kolar » Trnovo.

U kategoriji dramskih prikaza igrokaza prvo mjesto pripalo je OŠ « Hilmi ef. Šarić » Tarčin, drugo OŠ «Zaim Kolar» Trnovo, a treće OŠ «6. mart» Hadžići i OŠ «9. maj» Pazarić.

U kategoriji monodrame prvo mjesto pripalo je OŠ «6. maj» Hadžići, drugo OŠ « Zaim Kolar » Trnovo, a treće OŠ «Hilmi ef. Šarić» Tarčin.

Za najbolje u folkloru proglašen je nastup OŠ « Zaim Kolar » Trnovo, a u kategoriji modernog plesa OŠ «6 mart» Hadžići.



STIPENDIRANJE STUDENATA I DJECE BEZ OBA RODITELJA

U martu 2005. godine nakon usvajanja Budžeta Općine Trnovo za 2005. godinu, raspisan je konkurs za dodjelu stipendija studentima sa područja Općine Trnovo.

Nakon bodovanja kandidata po Pravilniku o stipendiranju studenata koji je utvrdilo Općinsko vijeće, na sjednici održanoj 16.maja 2001.godine sačinjena je lista za dodjelu stipendija u školskoj 2005/2006 godinu.

Stipendije su prioritetno dodijeljene djeci bez oba roditelja: Kadić (Zejnila) Semir i Kadić (Zejnila) Emir kao i studentima: Admiri (Mehmed) Imamović, Nizami (Mujo) Omerbegović, Džemalu (Alija) Mehmedagić, Ajli (Avdo) Pindžo, Emiru (Ismet) Imamović, Dženani (Mujo) Mulaomerović, Jasminu (Muksim) Bandić, Nermini (Ibro) Drkić, Amili (Ahmet) Zećo, Meldijani (Hasan) Mulaosmanović, Seđadu (Mirsad) Mizdrak i Elmiru (Uzeir) Šehović.

PORIBLJAVANJE RIJEKE ŽELJEZNICE

Udruženje Sportsko ribolovno društvo Trnovo je iz vlastitih sredstava (prihodi od članarine i donacija) izvršilo poribljavanje rijeke Željeznice sa 5.000 komada izlovne pastrmke veličine 25 cm.

U saradnji sa Ministarstvom privrede Kantona Sarajevo izvršeno je poribljavanje svih rijeka na području Općine Trnovo sa 25.000 komada mladih pastrmke. Aktivnosti oko pomenutog poribljavanja izvedene su u saradnji sa Centrom za ihtiologiju i ribarstvo.

Potpisan je Sporazum između Sportsko ribolovnog društva Trnovo i Elektroprivrede BiH o nadoknadi štete na ime postojanja objekta « Brana » na rijeci Željeznici. Elektroprivreda BiH se obavezala da će učestvovati u poribljavanju rijeke Željeznice. Realizacija ovog sporazuma je u oktobru 2005.godine.



URUČENI PRIGODNI POKLONI ZADRŽAVNE PRVAKE



Za članove Ski kluba Bjelašnica, Organiziran je prijem kod Miralema Ramića, Općinskog načelnika povodom završene skijaške sezone 2004/2005 i uspješno održanog Državnog prvenstva u alpskim disciplinama pod nazivom KUP « Srebrna lisica ». Tim povodom načelnik je izrazio veliko zadovoljstvo postignutim rezultatima mladih članova Ski kluba Bjelašnica i istakao da ovi rezultati predstavljaju obavezu da se investira i ulaže u mlade takmičare.



Na kraju su uručeni prigodni pokloni za Državne prvake Benjamina Godinjaka u kategoriji Ciciban i Azru Kulović u kategoriji D1.

TAKMIČENJE IZ PRVE POMOĆI

Crveni križ Općine Trnovo u prostorijama osnovne škole « Zaim Kolar » Dejčići, 15.04.2005. godine organizovao je takmičenje iz pružanja Prve pomoći.

Na takmičenju su učestvovala četiri ekipe: ljubičica, visibaba, narcis i ljiljan.



BILTEN

OPĆINE TRNOVO

Izdavač Općina Trnovo juli 2005.godine
WEB Općine Trnovo www.trnovo.org